

S A Ž E T A K

Bruceloza je bolest domaćih, divljih životinja i čovjeka (antropozoonoza), subakutnog do hroničnog toka, takođe sistemska bolest, jer može uključivati mnoge organe. Bolest se karakterizira golemim kliničkim polimorfizmom, što otežava njeno prepoznavanje u primarnoj, a dijelom u sekundarnoj zdravstvenoj zaštiti .

Cilj rada je da se analizira trogodišnji period od 2007-2009. godine, gdje je nakon tri decenije zabilježen prvi slučaj životinjske bruceloze u Srednjobosanskom kantonu.

Na relativno brojno oboljevanje ljudi od bruceloze ukazuju podaci Službe za epidemiologiju zaraznih bolesti Zavoda za javno zdravstvo SBK/KSB. Uzorak istraživanja je obuhvatio 369 oboljelih pacijenata od bruceloze u periodu od 2007. do 2009. god. na prostoru SBK/KSB FBiH. Pacijenti su analizirani po općinama SBK/KSB u odnosu na spol, dob, mjesto stanovanja i zanimanje.

Epidemijsko javljanje ove bolesti u 2008. godini upozorava da je bruceloza rastući javno-zdravstveni problem Srednjobosanskom kantonu , ali šire u Bosni i Hercegovini. Temeljni uvjet kontrole bruceloze u čovjeka je eliminacija bolesti među domaćim životinjama. Zato je potrebno provoditi pojačan veterinarski nadzor. Potrebna je i edukacija stanovništva u svrhu prevencije bolesti i edukacija liječnika za brže prepoznavanje ovog zaraznog oboljenja.